



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

17.10.2022

313-um-son

### **O‘zbekiston Respublikasi adliya vazirining 2022-yil 12-oktabrdagi 242-um-son buyrug‘i ijrosini ta’minlash to‘g‘risida**

O‘zbekiston Respublikasi adliya vazirining 2022-yil 12-oktabrdagi “Adliya organlari va muassasalariga ishga qabul qilish bo‘yicha tanlovning test va suhbat bosqichi savollarini yanada takomillashtirish chora-tadbirlari to‘g‘risida”gi 242-um-son buyrug‘i ijrosini ta’minlash maqsadida, 2020-yil 24-martdagi 68-um-son buyrug‘i bilan tasdiqlangan Adliya organlari va muassasalarida HR-menejment tizimi to‘g‘risidagi nizomning 22-bandiga muvofiq

### **BUYURAMAN:**

1. O‘zbekiston Respublikasi adliya vazirining 2022-yil 12-oktabrdagi “Adliya organlari va muassasalariga ishga qabul qilish bo‘yicha tanlovning test va suhbat bosqichi savollarini yanada takomillashtirish chora-tadbirlari to‘g‘risida”gi 242-um-son buyrug‘i rahbarlik va ijro uchun qabul qilinsin.

2. Toshkent davlat yuridik universiteti (keying o‘rinlarda TDYU) tarkibiy bo‘linmalari, TDYU huzuridagi Yuridik kadrlarni xalqaro standartlar bo‘yicha professional o‘qitish markazi, yuridik texnikumlar va TDYU qoshidagi akademik litsey rahbarlari:

kafedralar soha xususiyatiga ko‘ra kafedrada o‘qitiladigan barcha fanlar doirasida;

boshqa tarkibiy bo‘linmalar o‘zlarining qonunchilik va lokal hujjatlar bilan belgilangan funksiya va vazifalari, lavozim malaka talablari, sohaga oid qonunchilik doirasida;

adliya vazirining 242-um-son buyrug'i bilan tasdiqlangan 4-ilovada keltirilgan metodikada belgilangan shakl va tartibda 100 tadan nazariy va 100 tadan kazu savollarini javoblari bilan ishlab chiqsin.

3. Har bir tarkibiy bo'linma tomonidan ishlab chiqiladigan savol va javoblarning qayta ko'rib chiqilishi va takomillashtirib borilishi, sifati, darajasi, belgilangan talablarga javob berishi uchun tarkibiy bo'linma rahbarlari bevosita mas'ul etib belgilansin.

4. TDYU tarkibiy bo'linmalari, TDYU huzuridagi Yuridik kadrlarni xalqaro standartlar bo'yicha professional o'qitish markazi rahbarlari shakllantirilgan savollarni **26-oktabr kuni soat 10:00**ga qadar universitet Kadrlar bo'limi (S.Mamanazarov)ga, yuridik texnikumlar hamda TDYU qoshidagi akademik litsey rahbarlari **25-oktabr kuni soat 16:00**ga qadar TDYU Uzluksiz ta'lim boshqarmasi (D.Avezov)ga taqdim etsin.

5. Uzluksiz ta'lim boshqarmasi (D.Avezov) yuridik texnikumlar va TDYU qoshidagi akademik litsey tomonidan savollar ishlab chiqilishi, umumlashtirilishi hamda Kadrlar bo'limiga **26-oktabr kuni soat 16:00**ga qadar taqdim etilishini ta'minlasin.

6. Kadrlar bo'limi (S.Mamanazarov) TDYU tarkibiy bo'linmalari, TDYU huzuridagi Yuridik kadrlarni xalqaro standartlar bo'yicha professional o'qitish markazi, yuridik texnikumlar va TDYU qoshidagi akademik litsey tomonidan taqdim etilgan savollarni umumlashtirgan holda **28-oktabr kuni 10:00**ga qadar Adliya vazirligi Inson resurslari boshqarmasiga taqdim etsin.

7. Devonxona (X.Abdullayev) mazkur buyruqni universitetning barcha tarkibiy bo'linmalariga yetkazilishini ta'minlasin.

8. Mazkur buyruqning bajarilishini nazorat qilishni o'z zimnamda qoldiraman.

**Rektor**



**A.TASHKULOV**

Toshkent shahar

**Kiritildi:**

Bo'lim boshlig'i

S.MAMANAZAROV



**Kelishildi:**

yuriskonsult

D.ALIBOYEV

